

অগ্রণী ব্যাংক লিমিটেড
অগ্রণী বিদেশ যাওয়ার লোন ইউনিট
প্রধান কার্যালয়, ঢাকা।

নির্দেশ পরিপত্র নং: এবিজেএল/১৪/২০১৫

তারিখ: ৩০/০৩/২০১৫

মহাব্যবস্থাপক/
উপ-মহাব্যবস্থাপক/
সহকারী মহাব্যবস্থাপক/ ব্যবস্থাপক
অগ্রণী ব্যাংক লিমিটেড
সকল কর্পোরেট শাখা/ শাখা
বাংলাদেশ।

বিষয়: অগ্রণী বিদেশে উচ্চ শিক্ষার লোন (Agrani Overseas Education Loan - AOEL)।

বর্তমানে অগ্রণী বিদেশ যাওয়ার লোন (ABJL) প্রকল্প হতে প্রবাসী শ্রমিকরা বিদেশে চাকরী নিয়ে যেতে সর্বোচ্চ ৩ লক্ষ টাকা পর্যন্ত লোন দেয়া হচ্ছে। এই প্রকল্প সফলভাবে চলতে থাকায় বিদেশে লোন নিয়ে লেখাপড়া করতে আগ্রহী ছাত্র-ছাত্রীদের কাছ থেকে বেশ কিছু লোন প্রস্তাব পাওয়া গিয়েছে। বাংলাদেশ দ্রুত উন্নয়নের পথে যাত্রা করেছে, এই যাত্রায় স্বল্প আয়ের পরিবারের মেধাবী ছাত্র-ছাত্রীগণ পৃথিবীর বিভিন্ন দেশের বিশ্ববিদ্যালয়ে পড়ার চিন্তা করে, এবং সুযোগও হয়। কিন্তু অনেকে অর্থের অভাবে যেতে পারছে না। তারা লোন নিয়ে বিদেশে গিয়ে লেখাপড়া ও ইমিগ্রেন্ট হতে চায় এবং লোনের টাকা কিস্তিতে পরিশোধ করতে চাই। এই বাস্তবতার আলোকে ABJL প্রকল্পের আওতায় প্রবাসে যেতে ইচ্ছুক স্বল্প আয়ের পরিবারের মেধাবী ছাত্র-ছাত্রীদের পৃথিবীর বিভিন্ন দেশের বিশ্ববিদ্যালয়ে পড়ার সুযোগ হলে সেক্ষেত্রে তাদেরকেও অভিন্ন (৯.০০%) হারে ৩ থেকে ৫ লক্ষ টাকা লোন দেয়ার সুযোগ দেয়ার বিষয়টি বিবেচনা করা যেতে পারে। পৃথিবীর অনেক দেশে এই ব্যবস্থা চালু আছে। তাদের জন্য অগ্রণী ব্যাংক লিমিটেড যদি লোনের সুযোগ করে দেয় তাহলে তাদের ব্যক্তি জীবনের উন্নতির পাশাপাশি জাতীয় জীবনে ও সুদূর প্রসারি সুফল বয়ে আনবে।

নিম্নে ঋণ কর্মসূচীর বিশদ বর্ণনা ও শর্তাবলী উল্লেখ্য করা হলো:

১.১ ঋণ প্রার্থীর ধরন:

উচ্চ শিক্ষা লাভের জন্য বিদেশে গমনোচ্ছুক ছাত্র-ছাত্রী এই লোন পাবে।

১.২ ঋণের পরিমাণ নির্ধারণ:

লোন আবেদন প্রার্থীকে আবেদনপত্রের সাথে পাসপোর্ট, ভিসা, Offer Letter, সর্বশেষ Academic সার্টিফিকেট, স্বাস্থ্য পরীক্ষার সার্টিফিকেট, বিমান টিকিট (যদি থাকে) ইত্যাদির ফটোকপি জমা দিতে হবে।

প্রার্থী আবেদনপত্রে যে পরিমাণ অর্থ ব্যয় দেখানো হয়েছে তা সর্বোচ্চ ৬০টি কিস্তিতে (৩ মাসের গ্রেস পিরিয়ডসহ) আদায়যোগ্য কিনা হিসাব করে (কোর্সের মেয়াদ অনুযায়ী) তবেই ব্যাংক তাকে সর্বোচ্চ ৫ লক্ষ টাকা পর্যন্ত লোন প্রদান করবে।

১.৩ ঋণ গ্রহীতা নির্বাচন:

শুধুমাত্র বাংলাদেশী নাগরিক এবং বিদেশে উচ্চ শিক্ষা লাভের জন্য আগ্রহী আবেদনকারী এই কর্মসূচীর আওতায় ঋণ পাওয়ার যোগ্য। এ ছাড়া আবেদনকারীর ও জামিনদারদেরকে নিজ নামে বা নিজের কোন প্রতিষ্ঠানের নামে বা তিনি কোন প্রকারে স্বত্বভোগী এমন কোন ব্যবসা প্রতিষ্ঠানের নামে অত্র ব্যাংকসহ অন্য কোন ব্যাংক বা অর্থ লগ্নীকারী প্রতিষ্ঠান হতে কোন প্রকার ঋণ গ্রহণ করেনি এ মর্মে গোপন প্রতিবেদনসহ সিআইবি প্রতিবেদন সংগ্রহ পূর্বক শাখাকে নিশ্চিত হতে হবে। এ ছাড়া ঋণ গ্রহীতা ও জামিনদার তার স্থায়ী নিবাস হতে অন্য কোন ঋণ গ্রহণ করেননি এ মর্মে শাখাকে নিশ্চিত হতে হবে। বিদেশের বিশ্ববিদ্যালয়ে ভর্তি সংক্রান্ত যাবতীয় কাগজপত্র এবং ভিসা সংগ্রহকারীদের লোন দেয়া হবে।

১.৪ ঋণের আবেদন:

এ কর্মসূচীর আওতায় ঋণ প্রাপ্তির ব্যাপারে অগ্রনী ব্যাংকের ফর্ম পূরণ করে আবেদন করবে। ব্যাংকের শাখায় এসে ফর্ম নিতে পারে বা অগ্রনী ব্যাংকের ওয়েব সাইটে ফর্ম প্রিন্ট করে ব্যবহার করতে পারবে।

১.৫ ঋণের সময়কাল: সর্বোচ্চ ৬০ (ষাট) মাস (৩ মাসের প্রেস পিরিয়ডসহ)।

১.৬ সুদের হার:

সুদের হার ৯%। সুদনীতির আওতায় সুদের হার সময় সময় পরিবর্তনশীল।

১.৭ পরিশোধ পদ্ধতি:

(ক) ঋণ বিতরণের প্রথম মাস পর মাসিক সর্বোচ্চ ৬০টি সমান কিস্তির মাধ্যমে অথবা ঋণ বিতরণের প্রথম ০৩ মাস পর মাসিক সর্বোচ্চ ৫৭টি সমান কিস্তির মাধ্যমে এই লোন আদায়যোগ্য। এতদুদ্দেশ্যে ঋণ গ্রহীতা ও জামিনদারদেরকে সংশ্লিষ্ট ঋণ বিতরণকারী শাখায় বাধ্যতামূলকভাবে একটি সঞ্চয়ী হিসাব খুলতে হবে। সঞ্চয়ী হিসাব থেকে মাসিক কিস্তিতে লোন পরিশোধযোগ্য হবে। এই মর্মে একটা ঘোষণা পত্র ঋণ গ্রহীতা ও জামিনদারদের কাছ থেকে লিখিতভাবে নিতে হবে।

(খ) ঋণ গ্রহীতা ও জামিনদারদেরকে ব্যাংক একাউন্ট নম্বরসহ স্বাক্ষরকৃত চেক এর সর্বোচ্চ ৬০টি পাতা শাখায় জমা দিতে হবে।

১.৮ কিস্তি :

সর্বোচ্চ ৫(পাঁচ) লক্ষ টাকা ৬০টি সমান কিস্তির ক্ষেত্রে ঋণ প্রতি ১ লক্ষ টাকায় ঋণের মাসিক কিস্তি হিসাবে ২০৭৬/- টাকা ও ২ লক্ষ টাকার ক্ষেত্রে ঋণের মাসিক কিস্তি হবে ৪১৫২/- টাকা এবং সর্বশেষ কিস্তিতে সুদসহ সমুদয় বকেয়া টাকা আদায়যোগ্য হবে (যদি পাওনা থাকে)। ঋণের অংক এবং সুদ হার পরিবর্তনের ফলে কিস্তির পরিমাণও কম-বেশী হতে পারে।

১.৯ মঞ্জুরি ক্ষমতা:

ঋণগ্রহীতাকে পাসপোর্টে দেয়া তার নিজস্ব এলাকার নিকটবর্তী অত্র ব্যাংকের শাখার মাধ্যমে ঋণ প্রস্তাব দাখিল করতে হবে এবং সংশ্লিষ্ট শাখা সকল শর্তাদি পরিপালন পূর্বক তাৎক্ষণিকভাবে আঞ্চলিক কার্যালয়ে নিরীক্ষার জন্য দলিলাদি প্রেরণ করবেন (দুই কার্য দিবসের মধ্যে)। আঞ্চলিক কার্যালয় কর্তৃক দলিলাদি পরীক্ষান্তে মঞ্জুরীর সুপারিশসহ প্রধান কার্যালয়ের প্রকল্প পরিচালক “অগ্রনী বিদেশ যাওয়ার লোন ইউনিট” পক্ষম তলা, ঢাকার বরাবরে প্রেরণ করবেন। প্রস্তাব প্রেরণের ৭ (সাত) দিনের মধ্যে মঞ্জুরী পত্র না পাওয়া গেলে অথবা অন্য কোন সমস্যা হলে সাথে সাথে প্রধান কার্যালয়ের সহযোগীতা চাইবেন।

১.১০ ঋণের জামানত:

(ক) ওয়েব সাইটে সংযুক্ত ছকানুযায়ী ৩০০ টাকার নন-জুডিশিয়াল স্ট্যাম্প নথিভুক্ত/স্বাক্ষরে ঋণগ্রহীতার দুজন জামানতকারীর অপীকারনামা জমা দিবেন।

(ওয়েব সাইটের ঠিকানা: <http://www.agranibank.org/abjl> এই ওয়েব সাইটটি খুললে সেখানে জোড়া পাসপোর্টের একটি ছবি আছে, তার নিচে ইংরেজি অক্ষরে লেখা “Agrani Bidesh Jawar Loan” (অগ্রণী বিদেশ যাওয়ার লোন) সেখানে এই প্রজেক্ট এর সমস্ত প্রয়োজনীয় কাগজ পত্র দেয়া আছে। এ ছাড়াও যেকোন প্রশ্নের জন্য যোগাযোগ করবেন প্রধান কার্যালয়ের ০২-৯৫৭২০৭৪ এই নাম্বারে।)

(খ) বিদেশ গমনেচ্ছুক ঋণগ্রহীতার এবং দুজন জামানতকারীর (ঋণগ্রহীতার নিকট আত্মীয়, যেমনঃ বাবা, মা, ভাই, বোন, স্ত্রী) ব্যাংক একাউন্টের সাইন করা চেকের পাতা জমা দিতে হবে।

(ঋণ গ্রহীতা ও জামানতকারীকে চেক জালিয়াতি হলে কি কি শাস্তি হতে পারে, তা আগেই জানালে ভালো হয়)।

(গ) ঋণের পরিমাণ তিন (৩) লক্ষ টাকার বেশী হলে জমি বা অন্য সম্পদের মূল দলিল জামানত হিসাবে ব্যাংকে জমা থাকবে।

১.১১ ব্যাংকে জমা থাকবে যে সব ঋণের দলিলাদি:

(ক) অগ্রণী ব্যাংকের ওয়েব সাইটে দেয়া আবেদন পত্র পূরণ করতে হবে।

(খ) ঋণগ্রহীতা ও দুই জন জামিনদারদের সদ্য তোলা ৪(চার) কপি সত্যায়িত ছবি, ভোটার আইডি কার্ডের সত্যায়িত ফটোকপি, বর্তমান ঠিকানা এবং স্থায়ী ঠিকানা সম্বলিত পৌরসভা/ইউনিয়ন পরিষদের/চেয়ারম্যান/মেম্বার-এর প্রদত্ত সার্টিফিকেট এর সত্যায়িত ফটোকপি এবং অগ্রণী ব্যাংকে খোলা একাউন্ট নম্বরসহ স্বাক্ষরকৃত চেক এর সর্বোচ্চ ৬০টি পাতা।

(গ) নিম্নে ক্রমিক ১ থেকে ৬ পর্যন্ত প্রতিটি কার্যের মূল কপি যাচাই করে সত্যায়িত ফটোকপি শাখায় জমা রাখবেন।

- ১। পাসপোর্ট।
- ২। শিক্ষার্থীর শিক্ষাগত যোগ্যতার সব সার্টিফিকেট।
- ৩। ভিসা।
- ৪। Offer Letter (বিশ্ববিদ্যালয় কর্তৃক প্রদানকৃত)।
- ৫। স্বাস্থ্য সার্টিফিকেট।
- ৬। বিমানের টিকিট।

(ঘ) নিম্নে ক্রমিক ৭ থেকে ১১ পর্যন্ত প্রতিটি কার্যের মূল কপি শাখায় জমা রাখবেন।

- ৭। ঋণ গ্রহীতার ব্যক্তিগত জামিননামা (৩০০ টাকার নন-জুডিশিয়াল স্ট্যাম্প)।
- ৮। দুই জন জামিনদারদের জামিননামা (৩০০ টাকার নন-জুডিশিয়াল স্ট্যাম্প)।
- ৯। চার্জ ডকুমেন্ট।
- ১০। সিআইবি প্রতিবেদন।
- ১১। জমি বা অন্য সম্পদের মূল দলিল (প্রয়োজ্য ক্ষেত্রে)।

১.১২ তদারকী ও ব্যাংকের দায়িত্ব :

(ক) ঋণ আবেদনকারীর জামিনদারদের মাসিক বেতন থেকে যুক্তিসম্মতভাবে কর্তনকৃত অর্থ দিয়ে নির্দিষ্ট সময়ের মধ্যে (ঋণের সময়কাল অনুযায়ী) প্রদেয় ঋণ সমন্বয় হবে কিনা সে বিষয়ে শাখা প্রধানকে নিশ্চিত হতে হবে। ঋণ বিতরণের পর সংশ্লিষ্ট হিসাবের বিপরীতে নিয়মিতভাবে অর্থ আদায় না হলে, মাসিক কিস্তি যথাযথ নিয়মে সমন্বয়ের (একাউন্টে জমা দেয়া) জন্য

জামিনদারদের সাথে শাখা প্রধান সরাসরি পত্রালাপ করবেন এবং প্রয়োজনে পরবর্তী ব্যবস্থা নিবেন। অন্যথায় বকেয়া ঋণের ব্যাপারে শাখা প্রধান বা ঋণ বিভাগের দায়িত্বে নিয়োজিত কর্মকর্তা দায়ী হবেন।

(খ) যেহেতু ঋণগ্রহীতা ঋণ বিতরণ পরবর্তীকালে বিদেশে অবস্থান করবেন সেহেতু এ কর্মসূচীর আওতায় ঋণগ্রহীতার জামিনদারদের নির্বাচন, শর্তানুযায়ী পূর্বাঙ্কই দলিল দস্তাবেজ সম্পাদন এবং বিতরণের পর প্রদানকৃত ঋণ আদায়ে কোন মহলের কর্মতৎপরতায় বা সক্রিয় ভূমিকায় কোন অবহেলা, উদাসীনতা, গাফিলতি চিহ্নিত হলে শাখা প্রধানসহ শাখার কর্মকর্তা বা কর্মকর্তাবৃন্দ দায়ী হবে।

Recording in the Books of Account

Code No.

i) At the time of disbursement

Loans & Advance (ABJL) Dr.

205010720

Customer account Cr.

ii) At the end of every month

Other Asset Accrued Interest on Loan Dr.

207030700

Interest Account (ABJL) Cr.

401010720

iii) At the end of every quarter

Loans & Advance (ABJL) Dr.

Other Asset Accrued Interest on Loan Cr.

১.১৩ বিবরণী :

এ কর্মসূচীর আওতায় মাসিক ঋণ বিবরণীতে "অগ্রণী বিদেশ যাওয়ার লোন" খাতে প্রদর্শন করতে হবে এবং মাসিক ভিত্তিতে পরবর্তী মাসের ৭ তারিখের মধ্যে অত্যন্ত জরুরী ভিত্তিতে শাখা সমূহ প্রধান কার্যালয়ের অগ্রণী বিদেশ যাওয়ার লোন ইউনিট বরাবরে ই-মেইল (abjl@agranibank.org) অথবা ডাকযোগে প্রেরণ করবে।

১.১৪ শাখা-প্রধানের দায়িত্ব :

শাখা প্রধানগণ এ কর্মসূচীর শর্ত মোতাবেক ঋণের কিস্তি নিয়মিত আদায়ের ব্যাপারে নিশ্চিত হবে। প্রদত্ত ঋণের বিপরীতে গৃহীত দলিলাদিসহ কোন অনিয়ম পরিলক্ষিত হলে সংশ্লিষ্ট শাখার কর্মকর্তা বা কর্মকর্তাবৃন্দ দায়ী থাকবে। যেকোন পরামর্শের জন্য প্রধান কার্যালয়ের প্রকল্প পরিচালক বা দায়িত্ব প্রাপ্ত কর্মকর্তার সাথে সরাসরি যোগাযোগ করতে হবে।

০২। এ আদেশ অনতিবিলম্বে কার্যকর হবে। উপরোক্ত ঋণ সুবিধা কার্যকর করার জন্য সকল শাখা/আঞ্চলিক কার্যালয়/সার্কেলকে নির্দেশ প্রদান করা যাচ্ছে।



(সুলতানা আদনান)

প্রকল্প পরিচালক



(মিজানুর রহমান খান)

উপ-ব্যবস্থাপনা পরিচালক

অনুলিপি :

- ০১। ব্যবস্থাপনা পরিচালক এবং সিইও মহোদয়ের সচিবালয়, অগ্রণী ব্যাংক লিমিটেড, প্রধান কার্যালয়, ঢাকা।
- ০২। সকল উপ-ব্যবস্থাপনা পরিচালক মহোদয়ের সচিবালয়, অগ্রণী ব্যাংক লিমিটেড, প্রধান কার্যালয়, ঢাকা।
- ০৩। সকল মহাব্যবস্থাপক মহোদয়ের সচিবালয়, অগ্রণী ব্যাংক লিমিটেড।
- ০৪। সকল অঞ্চল প্রধান, অগ্রণী ব্যাংক লিমিটেড, বাংলাদেশ।
- ০৫। সকল শাখা, অগ্রণী ব্যাংক লিমিটেড।
- ০৬। অফিস কপি।